



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2502. Kaiser Karl V. bestätigt eine fernere Erweiterung des
Brandenburgischen Privilegiums rücksichtlich der Elbschiffarth und
Freiheit von der Hamburger Niederlage, am 2. April 1521.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2502. Kaiser Karl V. bestätigt eine fernere Erweiterung des Brandenburgischen Privilegiums rücksichtlich der Elbschiffarth und Freiheit von der Hamburger Niederlage, am 2. April 1521.

Wyr Karl der Funfft, von gots gnaden Erwelter Romischer keyser, zu allen zeitten merer des Reichs etc. — Bekennen öffentlich mit diesem Briue vnd thun kunt allermeniglich, das vns der hochgebom Joachim, Marggraue zu Brandenburg etc., vnnser lieber Oheim vnd kurfürst, Eynen brieff von weylant kayser Maximilian, vnnsern lieben herren vnnnd anherren, loblicher gedechtnus, aufgangen, darinnen sein kayserlich Mayestat die freyheit, so sein Maiestat seiner lieb vnd derselben vnderthanen, jnnwonnern vnd verwanten des kurfürstenthumbs Brandenburg gegeben hat, das sie nue hinfur zu ewigen zeytten jr Trayd, Wein, Bier vnd annder kaufmanfware vnnnd gutter, nichts aufgenohmen, So sie auff dem Wasser der Elbe fueren, ferrer in der Stat hamburg nyder zu legen noch zu uerkauffen nicht schuldig sein sollen etc. Etwas weytters aufgedrucht, vergunstigt vnd erlaubet hat, Innhalt vnd noch vermoge desfelben Briues, des datum stet zu augzburg, am zwelfften tag des Monats septembris, nach Christi geburt Funffzehnhundert vnnnd jm Achtzehenden Jaren, Furbracht, Vnns darauff diemuttiglichen gebetten hat, das wir solch weylant kayser Maximilians Erweyterung, vergunstigung vnd erleubung der obbestimpten gnad vnd freyheit ezu erneuen, zu Confirmiren vnd zu bestetten gnediglich geruechten. Des haben wir angesehen solch seiner lieb zimliche bette vnnnd darumb mit wolbedachtem mut, guttem Rath vnnnd rechter wissen dem vorgemelten vnnsern lieben Oheim vnnnd Churfursten, Marggraff Joachim, seinen vnderthanen, jnwonner vnnnd verwanten des Churfurstenthumbs Brandenburg solche weylent kayser Maximilians Erweyterung, vergunstigung vnnnd Erlaubnus Ernewt, Confirmirt vnnnd bestet, Erneuen, Confirmiren vnd bestetten die also von Romischer kayserlicher macht wissentlich jn crafft dits Brieffs etc. — Geben jn vnser vnnnd des heyligen Reichs stat Worms, am anndern tag des Monats aprilis, Nach Cristi vnnfers lieben herrn geburt Funffzehnhundert vnnnd jm ein vnd zwentzigsten, vnnser Reiche des Romischen im andern vnnnd der andern allen jm sechsten Jaren.

Nach dem Churmärk. Lehnscopialbuche IV, 416.